



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

Capvt LII.

**urn:nbn:de:hbz:466:1-15617**

tiorum, solutionemque sustinerent divitum & indigentiam mendicorum. Sed tandem justissima regnorum & provinciarum querela fecerunt ut quarelis deinceps locus non esset, abolitis nimirum prorsus illis procriptionibus.

C A P V T L I I .

Synopsis.

I. Legatis pecuniam ex procriptionibus collectam effundebant cum probro atque dedecore. Agendum eodem tempore de luxu & pompa Legatorum. Anastasius Episcopus Thessalonicensis notatus.

II. Missus in Germaniam Legatus à Silvestro secundo Frithericus, vir cetera bonus, ambitioso apparatu in provinciam profectus est, ambitione provinciam habuit. Et tamen primus locus datus non est in Concilio quendam in eo adiutus Archiepiscopus Moguntinus.

III. Hugo Archiepiscopus Lugdunensis & apostolica sedis Legatus, ut magnitudinem suam ostentaret provincialibus, synodum generalem celebrare coquat intra Gallias. Consultus à Rege Ivo Carnotensis respondit istam audientiam non esse tolerandam.

IV. Iam tum Legati contendebant primum locum sibi competere in Conciliis generalibus cum prorogatione suffragi. Sed hanc legem duram & iniquam esse putabant Angli, ut patet ex Gerasio Dorebrensis.

V. Notatur ambitio Gerardii Episcopi Engolismensis, qui generales synodos congregabat ut Concilio praesidens generali amplitudinem sue potestatis gloriabundus insiceret.

VI. Luxus & ambitio Petri Leonis in legatione Gallica & Anglicā, tum perditissimi mores, & ad irritamenta gale sollicitus animus.

VII. Fastus tamen omnis abesse debet à Legatis; ut probatur etiam auctoritate sancti Bernardi.

VIII. Illustrē fastus Legatorum exemplum in persona Vvilelmi Episcopi Elenensis, ex Mattheo Parisio.

IX. Item in Pelegio Episcopo Albantensi, quem Innocentius III. Legatum misit Constantinopolim.

X. Item in Egidio Cardinale, qui sub Honorio III. Legatus in Scotia fuit.

XI. Otto Cardinalis Legatus in Anglia tanta pompa tantisque fastu Concilium generale celebravit ut ob hoc ipsum graviter reprehensus sit à Mattheo Parisio.

XII. Narratur historia cuiusdam nebulonis, qui se Legatum serens apostolica sedis, munera preiusa ab Abbatis & Prioribus Anglia exigebat, ea rufpens que fastus & ambitione ejus non videbantur esse congruentia, reposeens interim pretiosiora.

XIII. Explicatur Matthei Parisii locus de privilegio Regis Anglie sophisticā salvando. Privilgium illud in eō versabatur, ut Legatus in Angliam mutui non posset nisi à Rege postulatus.

XIV. Insignia Legatorum, id est, rubra vestes, ex Mattheo Vestmonasterensi. Apostolica dignitatis insignia vocantur ab Innocentio III. & apostolica paramenta atque insignia à Tangmaro.

XV. Hinc colligitur indumenta Romanorum Pontificum, qua rubea erant, communicata fuisse cum Legatis posteriorum temporum, sicut olim Pallium. Ve-

stes Romanorum Pontificum fuisse olim purpureas probatur ex Concilio Remensi adversus Arnulphum & ex Ioanne Saroberiensi.

XVI. Probatur etiam ex Ottone Frisingensi, ex Actis Gregorij septimi, & ex veteri codice Vaticano apud Baronum.

XVII. Tunc ex Petro Damiani, & Leone Ostiensi. In Pallio sive mano posita olim erat consummatio electionis Romani Pontificis.

XVIII. Legati vestibus rubris usi diu ante quam Romani Pontifices rubram vestem concederent Cardinalibus. Exemplum in Pelagio Episcopo Albanensis. Tunc in Dominicis Polonis. Innocentius IV. Cardinalibus concessit ut galero rubeo. Qui secuti sunt Pontifices, sua & illi decora addiderunt.

I. PROCURATIO Legatorum sedis apostolica ab initio fatis bonis primū profecta, deinde versa est in malam consuetudinem exigendi sumptus immensos, qui postea effundebantur cum probro atque dedecore ob fastum & luxum Legatorum. Quod ut ostendamus esse verum, exemplis agendum erit neque obscuris neque ambiguis, & quæ petantur ex auctoribus antiquis & bona fidei. Simil autem, ne causas dividamus, de luxu & pompa Legatorum agerimus qui graves provinciis non erant ob procriptionum exactiōem. Neque enim recens est hoc malum. Quippe suprà vidimus Anastasium Thessalonensem Episcopum Leonis magnitudinibus affectasse celebrationem Conciliorum generalium Illyricianæ Dioceſeos, per cujus tractus Episcopus Thessalonicensis erat Vicarius seu Legatus apostolicae sedis, ut provincialibus potentiam & magnitudinem suam tali modo ostentaret. Medij temporis historiæ apertiora istius ambitionis exempla proferunt, quæ nos referemus.

II. Sedente in apostolica sede Silvestro istius nominis secundo, cùm Vvilligis Ar-

*Vide supra cap. 16. 5. 11. & cap. 27. 5. 4.*

chiepiscopus Moguntinus synodum contra Canones celebrasset in diœcēsi Hildesheimensi, cuius Episcopus erat sanctus Bernvvardus, isteque qurelam de ea re ad Concilium à Silvestro celebratum detulisset, pri-

*Vide S. Bernvradus artib pag. 4.*

mūm damnata est Vvilligis temeritas; deinde placuit synodum Episcopis per Saxoniam indici, Vicarium nihilominus ex parte Domini Apostolici destinari qui synodo presideat. Legatum illum, qui vocabatur Frithericus, summis laudibus effert Tangmarus in vita sancti Bernvvardi. Neque ego ista negaverim. Illud tantum ex hac historia colligam, etiam tum in modestissimi hominis animum penetrasse ambitionem Legatorum sequentis ætatis. Nam istum ambitioso apparatu in provinciam profectum, ambitiosè illic egisse, docet idem Tangmarus, homo alioqui Fritherico non infensus, his verbis: *Frithericus Car-*

dinalis Presbyter sancte Romane Ecclesie, postea Ravenna Archiepiscopus, Saxo genere, juvenis etate, sed senior morum probitate, Vicarius Domini Apostolici eligitur atque dirigitur, apostolicis paramentis atque insigniis non minus insularus quam si ipse procedebat. Reperit ista rursum Tangmarus paulò post occasione synodi in Germania ob eam causam habite. Interera affuit, inquit, ab Apostolico & Imperatore vice Pape directus Cardinalis Presbyter Fritericus, omnibus insigniis apostolicis, ac si Papa procedeat insulatus, equis apostolica sella Romano more ostro instratus. Ceterum primus locus, ut hoc obiter adnotem, datus Legato non est quandiu illic adfuit Vvilligis Archiepiscopus Moguntinus.

*Vide infra lib. 6.  
cap. 31. §. 7.*

III. Anno M X C VI. Urbanus II. duo Concilia generalia celebraverat intra Gallias, primum quidem in civitate Turonensi, aliud verò apud Nemausum in prima Narbonensi. Quia verò Concilia illa plurimum habebant dignitatis ac splendoris, Hugonem Archiepiscopum Lugdunensem, qui Legatus apostolicae sedis erat, incessit ambitionem generalem synodum habendi, ut eo pacto auctoritatem suam ostentaret. Literas itaque ad universos regni Francorum Episcopos cùm scripsisset, quibus eos evocabat ad Concilium, Philippus Rex, qui haudubiq; egrè ferebat Episcopos suos evocari ab Episcopo alterius regni, consuluit Iwonem Episcopum Carnotensem quid facto opus esset. Quod si ille non rescripsisset, non haberemus hodie exemplum ambitionis istius Legati. Sic ergo legitur in epistola L V I. Ionis ad Philippum Regem: *De eo quod parvitati mea mandavit vestra sublimitas, post duo Concilia hoc anno à Domino Papa celebrata, nunc Legatum ejus Lugdunensem Archiepiscopum infra eundem annum tertium generale convocare, & ad hoc regni vestri Episcopos invitare, serenitati vestre respondere quia cum nuper literas ejus habuerim, nihil tale ibi legi, vel à misso ejus audiui, quod tamen si faceret, non esset hac apostolica institutio vel ecclesiastica consuetudo.*

*Vide epistola  
Petrī Damiani ad  
Hildebrandum,  
apud Baron, ad  
an. 1059. §. 45.*

*Vide supra cap.  
49. §. 2.*

IV. Iam tum Legati contendebant primum locum sibi competere in Conciliis generalibus cum prærogativa suffragij; idem que mirum videri non debet Hugonem cogitasse de celebrando Concilio, in quo ipse cum summa auctoritate præfset universis Archiepiscopis & Episcopis regni Francorum. Istam tamen legem per ea tempora duram & iniquam esse putabant Angli, non tamen contradicere ausi ob metum Romani Pontificis & Legatorum. Extat illustre istius rei exemplum apud Gervasium Dorotheensem, à nobis supra relatum, ut necesse non sit hæc rursum describere. Illud tantum

dicam, reprehensione dignum Anglis visum fuisse quod pomposè nimis suscepimus esset Legatus ab Archiepiscopis Cantuarienti & Eboracensi, & quod simplex Presbyter præsideret omnibus Archiepiscopis & Episcopis, idque in sublimi solito, ut ipsa Gervasio verba ponamus. Addit autem istud facinus totam Angliam commovisse in non modicam indignationem, & gravi ex ea re scandalo multorum mentes fuisse vulneratas. Contigere ista anno millesimo centesimo vi gesimo quinto.

V. Scio hoc quod dicturus sum de Gerardo Episcopo Engolismensi, è satyra peti quam adversus ipsum scripsit Arnulphus Sagiensis Archidiaconus, qui dein Episcopus fuit Lexoviensis. Referam tamen, ut si vera ex omni parte sunt quæ Gerardo objicit Arnulphus, detestemur hominis superbiam & arrogantiam; si minùs, certè hinc colligamus multa pro more Legatorum gessisse Gerardum quæ reprehensione digna videbantur. Sic ergo loquitur Arnulphus de legatione ejus: *Abinde igitur inconcusse prærogativa potestatis armatus, libera in Ecclesiam Dei facultate graffatus es, singulorum vel depulando quidem vel augendo substantias, infimis summa, summis infima commutando. Et mox: Abinde tua diffusoribus spatiis effusa cupiditas copiosam rapacitati sue materiam non defuisse gavisa est. Quid ergo manifestas exactions, quid familiaria ob periculum iustitiae suscepit dispensio dicam? Quid generales synodos, quid fatigatas venerabiles ex remota regione personas edisseram, ut Concilio presidens generali amplitudinem tue potestatis gloriabundus in specie, & ambitioni satisfaceret contemplatio subditorum.*

V I. Per eadem tempora Petrus Leonis, qui in schismate dein electus est Romanus Pontifex adversus Innocentium secundum, Legatus apostolicae sedis fuit in Gallia & in Anglia. Qua pompa, quo fastu & luxu, quo denique dedecore in legatione versatus sit, si vera sunt quæ de illo narrat Arnulphus Sagiensis Archidiaconus, facile lector judicabit. Neque enim veri periculum ad me recipio, cum sciam multa interdum studio partium dici quæ non ita sunt vera ut leguntur in libris. Hæc tamen vitia ei adhuc viventi publicè exprobrat Arnulphus in libro contra Gerardum Engolismensem: *Deinde ad diversas partes functus legationis officio, cupiditatis sue potius quam iustitiae satisfacere studuit, adeo ut illi ea tantum bonos exitus habuisse negotia videbentur que merces adjecta & mansuply plenitudo subsecuta probaret. Vbi ergo nullis interventibus causis, nulla rapina, prestatibus occasione, tunc exactio blanditiis vel comminatione plena*

non deerat. Binā singulis diebus sumptu plurimo convivia parabantur; tantusque ciborum luxus & superfluitas erat ut ad exquisitas ferculorum varietates sollicitari plerunque figulos oportere & ignote compositionis novas vasa formare. Cum autem adversus istam impudentiam graviter detonasset Arnulphus, denum addit:

Taceo quod huc effusio non apud divites tantum, sed apud inopes siebat Ecclesiæ, quibus postea id luere multis jejuniis & algoribus oportet. Cumque pauperes Episcopos vel Abbates profusoribus quam domi didicerat vexasset expensis, in ipsa Ecclesiæ ornamentiatis impudenti sacrilegio grassabatur, ut planè sponsum Domini spoliare susque privare monilibus ausu temerario videbatur.

VII. Sanè fastum omnem abesse debere à Legatis apostolicæ sedis, quæ à piscatore fundata est, & res ipsa loquitur, & graves omnium seculorum querelæ adversus ipsos evincent. Sed in primis memorabilis est locus sancti Bernardi Abbatis Clarevallenfis: qui Eugenium II. instruens cujusmodi viros lateri suo applicare debeat, quibus ministri uti in provinciis, generalia quidem monita valde utilia præscribit; præcipue verò jubet uti Ecclesiæ non spolient, masupia non exhaustant, famæ sua provideant, orandi studium gerant, se amabiles præbeant, non verbo, sed opere, reverendos exhibeant, sed actu, non fastu. Quod in hominibus istis non reprehendisset sanctus Bernardus, nisi seculo illo Legatorum fastus & ambitio res fuissent vulgarissimæ, qua bonis omnibus naufragiam & fastidium creabant.

VIII. Illustre fastus Legatorum exemplum refert Matthæus Parisius, cum describit quæ gesta à Villelmo Elenensi Episcopo sunt anno millesimo centesimo nonagesimo. Hæc sunt ejus verba: *Legationis officium, quod mille fusis argenti libris adquirerat, adeo immoderate peregit ut omnibus Angliae Ecclesiæ tam conventionalibus quam cathedralibus fieret onerosus. Siquidem mille & quingenitis per Angliam evectus equitaturis, Clericorum stipatus catervis, Militumque vallatus agminibus, omnia ferè que episcopali reverentie congruum pretermisit. Illi omnes filii nobilium astabant in mensa, quos suis neptibus & consanguineis puellis copularvit per matrimonia, felices se estimantes quos familiares habebat. Non fuit terra venalis quam non emeret, Ecclesia vel abbatia vacans quam non daret aut retineret. Sequebantur illum Ambulacrum collegia, pharmacopole, mendici, mime, balatrones, hoc genus omne; ut illi omni musicorum genere & modulationibus vocum obsequeretur in terris, sicut angeli sancti omnipotenti Deo obsequuntur in cælis. Hoc autem totum fecit ut cum Domino à pari contendere videretur.*

Tom. II.

IX. Innocentius deinde tertius anno MCCCXIIII. Constantinopolim misit Pelagium Episcopum Albanensem, quem diu orientalis Ecclesia habuit apostolicæ sedis Legatum. Nolo heic inire narrationem rerum ab eo gestarum in ea legatione. Referram tantum quæ de fastu & arrogantiâ ejus narrat Georgius Logotheta in Chronico Constantinopolitano. Idem Ericus, inquit, cum Byzantij imperaret, ad regiam urbium à Summo Pontifice Presul, quem ipsi Legatum indigitanti, Pelagius nomine, Pape prærogativa omnes referens, alegatur. Namque calceos rhabros induebat, neque diversi coloris indumentis amiciebatur; quinimo equi sagulum & fræna eodem inficiebantur veneno. Et cum moribus esset inhumanioribus, fastus ac insolentie plenus, nimium sevit in Constantinopolitano. Vide reliqua apud Odoricum Raynaldum.

X. Anno MCCCXI. Honorius III. Legatum in Scotiam misit Aegidium Cardinalem, ut in subsidium novæ expeditionis in terram sanctam pecuniam aliquam conquereret. Narrat ita Hector Boëtius in libro XIII. historiæ Scotorum; similiq[ue] gravem Episcopi cuiusdam Scotti orationem in conventu publico habitam refert de avaritia & tyrannide Legatorum. Inter Legatos verò quos oratione illa perfrinxit hic Episcopus, ita de Aegidio indignabundus effudit, cum dixisset eum ex populi liberalitate ingentem pecuniam compilasse: *Eam omnem homo audacissimus in summa ambitione ac luxu, etiam nobis afficiemib[us], profudit; nec veritus est impudens veterator falsum crimen confingere, ut flagitia sua tegeret, & ne absūptum in devoratum thesauram restituere cogeretur.*

XI. Anno MCCCXXVII. Otto Tituli sancti Nicolai in Carcere Tulliano Diaconus Cardinalis, de quo suprà diximus, in Angliam à Gregorio IX. missus Legatus tanta pompa tantóque fastu Concilium generale celebravit ut ob hoc ipsum graviter reprehensus sit à Mattheo Parisio. Appropinquante verò tempore Concilij, inquit Parisius, jussit sibi Legatus sedem parari in occidentali parte Ecclesiæ sancti Pauli Londonis fastigiosa nimirū & solennem, longis trabibus & sedilibus gradatim exaltatam. Misit igitur literas suas, ut vocati omnes Anglie Prelati, scilicet Archiepiscopi, Episcopi, Abbates, Priores installati, tam sub Conventus sui vel Capituli quam suo nomine, literas procuratorias deferentes, ut quicquid in Concilio statueret Legatus, ratum utroque haberetur. Venerunt igitur omnes juxta mandatum Domini Legati, nimirū vexati & fatigati in corporibus propriis, equorum, & viaticis, uspote ingrue hyeme & multiformi tempestate, omnes Prelati sue legatice, Anglia tamen potissimum. Hæc

V

*Georgius Logotheta ex versione Al-  
banij, apud Odor.  
Raynaldum, ad ann.  
1245. s. 6.*

*Vide supra cap.  
10. s. 6.*

erant instrumenta servitutis. Agit rursum de hoc fastu Ottonis idem Parisius occasione narrationis eorum qua in Concilio illo gesta sunt, his verbis: *Ingressus Ecclesiam, coram majori Ecclesia pontificalibus se induit, scilicet superpellicio, & desuper capa chorali pellibus variis furrata, & mitra. Et precedentibus Archiepiscopis Cantuariensi & Eboracensi cum cum processione solenni, cum cruce & cereis accensis, & cum Letania, sedem suam ascendit per gradus pomposè, ut dictum est, preparatam, & jam positus tapetis & pallatis redimitam, collocante se à dextris Domino Cantuariensi, & Eboracensi à sinistris.*

XII. Insigne visum est referre locum alium ex eadem historia Marthæi Parisij, de nebulone quodam, cuius ea fuit impudentia ut palam & aperte ab Abbatibus & Prioribus Anglia exigere munera pretiosa, ea respuens que fastu & ambitioni ejus non videbantur esse congruentia, reposcens interim pretiosiora. Praesumpta sunt ista anno M C C X L I V. à Martino sedis apostolica Nuntio, qui per modum Legati se gerens, verba sunt Parisij, licet Legati vestibus pro privilegio Regis sophisticè salvando non insignitas, passim significavit imperiosè illi Abbat, vel illi Priori, ut sibi darent & mitterent munera pretiosa, palefridos desiderabiles, & in esculentis & poculentis sumptuosa xenia, & vestimenta adorativa. Quod cum fecissent, ipse Martinus remisit eis que ei missa fuerant, afferens ea esse insufficientia, & precepit eis ut meliora sibi sub pena suspensionis & anathematis transmitterent. Sufficerit autem omnes à collatione beneficiorum triginta marcas valentium & supra, donec sue satisfactum foret cupiditati. Hominis impudenteriam!

XIII. Quod ait Parisius Martinum Legati vestibus insignitum non fuisset pro privilegio Regis Anglie sophisticè salvando, lucem accipit ex alio ejusdem auctoris loco. Sed antè quam illum referam, placet alium ejus locum afferre isti similem qui mox descriptus est, ut eadem opera utrumque expliciemus. Innocentius IV. mittens identidem Legatos in Angliam ad colligendam pecuniam, non tamen eis tribuebat nomen Legatorum, licet amplissima illos auctoritate ornaret. Aliquot ergo post annis quam Martinum miserat, cùm recens adhuc Anglorum odium esset adversus illum, Marinum quendam, alterum Martinum, (inquit Marthæus Parisius, ad nomen alludens Martini, tanquam si diceret alterum Carlinam) in Angliam misit anno millesimo ducentesimo quadragesimo septimo. Hic igitur, inquit Marthæus, quamvis insignitis Legati non polliceret, potestate tamen Legati, ut sic Domini Re-

gis privilegio illudetur, fortius armabatur. Hæc, inquam, lucem accipiunt ex alio Marthæi loco, in quo loquens de Ioanne Rufo, quem Innocentius eodem anno M C C X L V I I. misit in Hyberniam, ait ei tributum non fuisse nomen Legati propter privilegium Regis Angliae, cui concessum erat ne quis in regnum ejus mitteretur Legatus nisi ab ipso postulatus. Hæc sunt verba Marthæi: *Eisdem que diebus missus est in Hyberniam magister Iohannes Rufus ad pecuniam ibidem colligendam cum potestate plenitude quasi Legatus, non tamen insignibus Legati redimitus, ne videbatur Papa Dominum Regem Anglie offendisse, qui privilegio tali se gaudet umbraliter communum ut non veniat Legatus in terram suam nisi postulatus. Memoratus igitur I. tam vigilanter mandato Papali & sue indulgenti utilitati & lucro ut sex millia marcaram ab Hybernia extorsit, que per conductum religiosorum in festo sancti Michaelis fecit Londinum transportari & thesauro Papali gaudenter accumulator.*

XIV. Insignia Legati quæ vocat Parisius, rubras vestes dicit Marthæus Vestmonasteriensis de hoc ipso Ioanne loquens: *magnis armatus potestatis quasi Legatus, non tamen rubris vestibus insignitus, ne videbatur Dominus Papa Dominum Regem Anglie offendisse, qui quodam gaudet privilegio, videlicet ut non venias Legatus in terram suam nisi postulatus. Eadem Legatorum quæ hec dicuntur insignia, apostolicæ dignitatis insignia vocantur ab Innocentio III. in Concilio Lateranensi. Hic enim privilegia quatuor patriarchalium sedium renovans, sancta universalis synodo probante decernit inter alia ut quatuor illi Patriarchæ crucis vexillum ante se faciant ubique deferri, nisi in urbe Romana, & ubique que Summus Pontifex præsens extiterit, aut ejus Legatus utens insigniis apostolicæ dignitatis. Dixerat autem Tangmarus, ut supradidimus, Frithericum, qui Legatus in Germaniam missus est à Silvestro secundo, apostolicis paramentis atque insigniis non minus infulatum fuisset quam si ipse Papa processisset.*

XV. Hinc parat indumenta Pontificum Romanorum, quæ plurimum splendoris habebant, fuisset communicata cum Legatis posteriorum temporum, non sicut ac olim Vicarius apostolicæ sedis Pallium tribuebatur. Quodut melius intelligatur, ostendum est priscis illis temporibus vestes Romanorum Pontificum fuisset purpureas. Initium probationis faciendum est à verbis Arnulphi Episcopi Aurelianensis in synodo Remensi habita anno D C C C X C I. qui loquens de Pontifice Romano hæc dixit: *Quid hanc, casu, reverendi patres, in sublimi solo residentem, veste purpurea & aurea radiantem, quid hunc,*

*Vide tandem Pa-  
rif. pag. 647. edit.  
Tigur.*

*inquam, esse censetis? Nimirum si caritate de-  
stituitur, solaque scientia inflatur & extollitur,  
Antichristus est in templo Dei sedens & se ostendens tanquam sit Deus. His congruunt quae de  
Romano Pontifice scribit Ioannes Saresbriensis lib. vi. de nugis curialium cap. xxiv.  
Sed & ipse Romanus Pontifex omnibus gravis &  
fere intolerabilis est. Præterea omnes arguunt quod  
ruentibus & collabentibus Ecclesiæ quas patrum  
construxit devotio, altaribus quoque inculatis, pa-  
latia extruit, & ipse non modo purpuratus sed  
deauratus incedit.*

XV I. Purpuram fuisse vestem ordinariam  
Pontificum Romanorum colligitur etiam ex  
pluribus aliis veterum scriptorum testimoniis, quæ hec congerere opera premit du-  
ximus. Otto Frisingensis loquens de elec-  
tione Leonis IX. id testatur his verbis: *Hic ex  
nobili Francorum prosapia oriundus, auctoritate  
regalis excellentie ad sedem beati Petri destinatus  
fuerat; cumque assumpta purpura pontificali  
per Gallias iter ageret, contigit eum Cluniacum  
venire, uti tunc prefatus Hildebrandus priora-  
tus, ut dicitur, obedientiam administrabat. Et  
paulò post: Inclinatus ille ad monitum ejus,  
purpuram deponit &c.* Colligitur illud ipsum  
ex Actis vita Gregorij VII. à Baronio rela-  
tis, in quibus post narrata quæ in electione  
ejus contigere, demum ista adduntur: *Indu-  
tus rubea chlamyde, sicut est mos, & Papali mi-  
tra insignitus, invitus & mœrens in beati Petri  
cathedram fuit intronizatus.* Chlamydem il-  
lam rubeam fuisse indumentum quo uti tum  
solerent Summi Pontifices evincitur etiam  
ex scripto codice Vaticano cujus fragmen-  
tum refert Baronius. Agebatur de dejectione  
Burdini, qui Gregorij VIII. nomine as-  
sumpto Romanam cathedram diu tenuerat  
adversus Gelasium secundum & Callistum  
secundum. Huic ergo vieto ea ignominia ir-  
rogata est ut *præparato camelopro alto caballo, &  
indutus pilosa pelle vervecis pro chlamyde rubea,*  
positus sit ex adverso super camelum, datâ-  
que sit ei in manibus pro fræno cauda came-  
li, atque ita in Vrbem introductus sit.

XVI I. Rem istam conficiemus adhuc  
duobus exemplis. Cadalous Parmensis Epis-  
copus Romanam sedem invaserat post Nicolaum secundum. Ad hunc ergo scribens Pe-  
trus Damiani, eumque redarguens, his inter  
alia verbis eum compellat: *Habes nunc for-  
tan mitram, habes juxta morem Romani Ponti-  
ficis rubeam cappam.* Leo Ostiensis describens  
electionem Victoris III. docet primùm il-  
lum invitum electum esse, eique Victoris no-  
men à clero & populo impositum fuisse. *Sed  
quoniam hec omnia, ut diximus, contra ejus  
animum fiebant, cappam quidem rubeam induit,  
Alba vero induere eum nunquam potuerunt.* Fa-  
Tom. II.

cilius quippe erat Pallium superponere no-  
lenti quam Albam, quæ manicas habet. In  
Pallio vero sive manto aut Pluviali, ut se-  
quentis seculi vocabulis utar, posita erat elec-  
tionis consummatio, uti dicemus ad Arnul-  
phum Lexoviensem. Revertamur nunc ad  
causam Legatorum.

XVIII. Itaque Romani Pontifices, ut  
reverentiam Legatis suis conciliarent, cum  
eis communicabant usum chlamydis rubæ  
quandiu essent in legatione constituti. Nam  
& diu antè quam Romani Pontifices ru-  
beam vestem concederent Cardinalibus, sive  
id factum à Bonifacio octavo, sive à Paulo  
secundo, diu inquam ante hoc privilegium  
Legati vestibus rubeis utebantur. Testatur  
istud de Pelagio Episcopo Albanensi, qui  
Legatus apostolicæ fedis in Oriente fuit ayo  
Innocentij tertij, Georgius Logotheta: *Pur-  
purea illi talaria, inquit, ejusdem coloris vesti-  
menta, frenaque & sagum pariter purpurea erant.*  
Georg. Logoth. ex  
versione Theodore  
Denck.

*Brv. ad an. 1251.  
3. i.*

Vidimus deinde Matthæum Vestmonaste-  
riensem, cum de insignibus Legatorum lo-  
qui veller, rubras vestes dixisse. Denique  
Bzovius adnotat Dominicanis suis in Polo-  
nia gerentibus legationem apostolicæ sedis  
indultum fuisse ab Innocentio IV. ut rubeo  
galero, rubeis sandaliis, ocreis & chirothecis  
rubeis caput & manus ac pedes tegerent, ut  
huius purpureis ornamentis significant, in-  
quit, mortibus devota gestare capita igné-  
que ardentissimo exæstuarare ad preparatio-  
nem evangeli pacis. Innocentius ille qui  
primus Cardinalium ornamenta invenit,  
primùm eos galero rubeo uti concessit, ut ea  
nota distinguerentur a ceteris ecclesiastici  
ordinis viris. Qui secuti sunt Pontifices, sua  
& illi decora addiderunt, donec ad eam quæ  
hodie visitur gloriam peruentum est. Nam  
Bonifacius octavus, ut vulgo existimant,  
Cardinalibus purpurei coloris vestimenta  
dedit. Paulus vero secundus, ut in ejus vita  
narrat Platina, primo pontificatus sui anno  
eis pannum ejusdem coloris dono dedit, quo  
equos vel mulas sternerent dum equitant.  
*Volut præterea, subdit statim Platina, in de-  
cretum referre ut galeri Cardinalium ex serico  
coccineo fierent. Sed id quò minus decernetur  
vetuere illi qui benevolentiam diminuendam esse  
Ecclesia pompam, non augendam cum detimento  
Christianæ religionis, predicabant. His ita enar-  
ratis de Legatorum insigniis, persequamur  
instituti nostri rationem.*

### C A P V T L I I I .

Synopsis.

I. Mala fama Legatorum haud dubie Romanos  
V ij